



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

De mistis caui, & plani speculi operationibus. Cap. V.

[urn:nbn:de:hbz:466:1-70772](#)

De mistis caui, & plani speculi operationibus.

G A B. V.

NARRABIMVS mistas vtriusque speculi operatio-
nes, & vtilitates, vt quod per se solum vnumquod-
que præstare non valuerat, mutua ope se adiuuent. Si
velimus

Speculis plano & concavo longe ignem accendere,
Accidit aliquando, vt quis carceribus oclusus indigat
igne, necibi Solis radius illuminat; vel ænei tormenti
puluerem sine igne accendere, vel cuniculis effossis, &
pyrio puluere repletis ad eruendas arces, vel rupes lon-
ge sine periculo incendere possimus plano speculo. Pla-
num speculum Solis radijs parallelis ut recipit, ita de-
flectit, vnde satis longe æquidistantes radios iacubili,
qui si concavo speculo recipiuntur, adeo illos vnit, vi-
cendant. Vnde facto prius periculo, quo loco conce-
uum situari debet, vt iniectum fomitem accendat, se-
quentis diei hora eodem plano speculo radios immit-
at, speculo concavo vniendos. Sic sine periculo & ho-
stium suspicione, ignem ad usum accedere poterimus.
Nec inutilis erit usus

*Plano & concavo speculis ut minima litera, ma-
xima videantur.*

Quando characteres ita erunt minimi, vt characteres
esse noscantur. Vidimus enim Euangelium Diui Ioan-
nisi: In principio &c. in loco descriptu, vt vix minimam
lenticulam, vel galli oculum occuparet, hoc artificio
faciemus, vt magna videatur, & sine difficultate legan-
tur. Appone cœcaum speculum tuo pectori ut dorsum
pectoris hæreat, è regione intra punctum incisionis
oppone scriptum, retro pone planum speculum, ut tuis
oculis subiaceat. Tunc in plano speculo reflectentur
characterum imagines, quæ in concavo sunt, quas con-
cauum magnas reddiderat, vnde sine difficultate leges.
Eueniet

*Speculi plano, & concavo imaginem in aere pen-
dulam omni ex parte conspicere,*

Quod

Quod fiet hoc pacto. Diximus concavi speculi ope posse imaginem extorsum mitti, idque à quopiam non percipitur, nisi è regione fuerit. Adhæreat suo pectori concavum, extra centrum oppone pugionem, atq; longius recedendo illi speculum planum oppone, in quo respiciens, imaginem a concavo reflexam in aere pendulam videbit quisque, atq; omni ex parte. Quod si ingeniosus perceperit, & longe extra missam imaginem, ut docuimus, planō receptam sine speculo concavo, & spectabili visione, mire rem in planō pendulam videri licebit. Poteris &

Speculo piano obuersam faciem repræsentare.

Vbi prædicto modo speculum suo pectori admotum habueris, obiecta planū, & faciem illi repræsenta, quam concavo obijciet, quod obuersam reuerberabit planō, & votis fies compos.

Aliæ speculi concavi operationes.

C A P. VI.

Priusquam ab eiusmodi speculi operationibus discedamus, quandam enarrabimus usum, nō parum iucundum, & admirabilem, ex quo maxima Naturæ secreta nobis illucescere possunt. Veluti
ut omnia in tenebris conspicias, qua foris à Sole illu-
strantur cum suis coloribus.

Cubiculi fenestras omnes claudas oportet, proderitq; si spiramenta quoque obturentur, ne lumen aliquod intro irrum pens, omne destruat: unam tātum terebrato, & foramen palmarē aperito palmaris longitudinis, & latitudinis, supra tabellam plumbeam, vel ænacm accommodabis, & glutinabis, papyri soliditatis, in cuius medio foramen aperies, circulare digitii minimi magnitudine, è regione parietes albos vel papyrum, vel alba linteal appones. Sic à Sole foris illustrata omnia, & deambulantes per plateas, uti Antipodes spectabis: quæque dextra sinistra, commutataq; omnia videbuntur, & quo longius à foramine distabunt, tanto maiorem sibi adsciscunt formam. Si papyrum, vel albā tabulam appropinquabis, ea visuntur minora, clarioraq; ali-